

propter pretiosi cinguli immaculatæ DEI Genitricis depositionem.
Manuel. Comnen. sive Eman. Constit. Imper. c. 2. de ferijs.

Gloriosas autem & sanctas reliquias eorum cum fide veneramur. Michaël. & Theophil. Imp. ad Ludovic. Pium. §. Trinitatem. Goldast. tom. 1. Const. Imp.

Decernimus, ut post hac neque Monachi &c. & post pauca. in quæcunque loca populi voluptatibus fabricata, venerabilem crucem & Sanctorum Martyrum reliquias illicitè inferre conentur &c. post pauca. Cùm enim religiosæ ædes non desint: possunt ibi consultis prius (ut oportet) religiosissimis Episcopis, reliquias sanctorum martyrum, non quorundam usurpatione, sed arbitrio reverendissimorum Antistitum collocare. L. Decernimus 26. C. de Episcop. & Cleric. Vid. Eclog. Basil. l. 1. de reliq. sanct.

IMAGINES CHRISTI Deiparæ Virginis & aliorum San- ctorum venerandas.

§. 9.

Firmissimè assero Imagines Christi, ac Deipara semper Virginis, nec non aliorum Sanctorum habendas & retinendas esse; atq; iis debitum honorem ac venerationem imperiendam. (a)

(a) Cùm sit nobis cura diligens per omnia superni Numinis Religionem tueri: signum Salvatoris Christi nemini licere vel in solo, vel in silice, vel in marmoribus, humi positis inculpere, vel pingere: sed quodcunque reperitur, tolli, gravissima poena multando eo, qui contrarium statutis nostris tentaverit, specialiter imperamus. L. unic. C. Nemini licer. sign. Salv. Christ. hum. vel in mar. aut incul. aut ping.

Illud

Illud igitur ante alia dicendum est, ut omni tempore & in omni terrâ si quis ædificare venerabile monasterium voluerit: non prius licentiam esse hoc agendi, quam Deo amabilem locorum Episcopum advocet, at ille manus extendat ad cælum, & per orationem locum consecret Deo, figens in eo salutis nostræ signum: (dicimus autem adorandam & honorandam verè crucem) Novell. 5. cap. 1.

Si quis autem voluerit fabricare venerabile oratorium aut monasterium, præcipimus non aliter inchoandam fabricam, nisi locorum sanctissimus Episcopus orationem ibi fecerit, & venerabilem fixerit crucem. Novell. 131. cap. 7.

Sed & ipsas honorandas cruces (cum quibus & in Litanijis ingrediuntur) non alibi nisi in venerabilibus locis reponi: & si quando opus vocaverit ad Litanias celebrandas, tunc solum ipsas sanctas cruces accipere eos qui consuetè eas portare solent. Novell. 123. cap. 32.

Legali Decreto, quod nudum pactum non actionem, sed solum exceptionem parere tradit, nonnullos illudere videmus. Dum enim omne pactum quod pœna stabilitum non est, nudum esse volunt, etiamsi scripto comprehensum sit pactum, etiamsi qui pactum iniierunt, suâ manu sacrosanctæ crucis nota scriptum signarint, etiamsi divini ternionis appellationes adjectæ sint: si tamen pœna constituta non sit, id, ut invalidum, contemnunt ac reiiciunt, &c. Et paulò post. Sancimus igitur, ut omne pactum, in quo ex divinis hisce adjumentis idoneum aliquid ad faciendam fidem insit, quamvis de pœnâ nihil scriptum sit, firmum solidumq; robur habeat. Imp. Leonis Constit. 72.

Anno XIX. Verè ineunte, Heraclius Constantinopoli Hierosolyma proficiscitur, & avehit venerabilia ac vivifica Crucis ligna: vtiliq; Deo persolutis, Patriarcham Zachariam restituit. Constit. Imp. Heracl. c. 2. Imperavit Anno 610.

Nos denique Ecclesiæ vaticinio docti. (& infra) Imagines in ornamentis Ecclesiarum, & memoriam rerum gestarum habentes, & solum Deum adorantes, & ejus sanctis oportunam venerationem exhibentes, nec cum illis frangimus, nec cum illis adoramus. Carol. Magn. Capitul. Francofurt. de Anno 794. Adriano Papæ miss. Vid.

L. Judæos 11. C. de Jud. & calic. Theoph. Constit. Imper. constit. 1. de Imag. Eclog. Basil. de vene. cruc. & lib. 4. tit. 1. c. 1.

Carol. V. Imp. sentent. de confes. Suevic. An. 1530. Quandoquidem in Religione diversam à reliquis omnibus opinionem profiteantur, & gravissimum illum errorem de Sacramento Eucharistiæ probent; statuas etiam è templis ejecerint, & missam abrogarint. (post pauca) idcirco ab ipsis se denuò postulare, ut ad sanitatem redeant, & priscam religionem recipiant. Goldast. tom. 1. Const. Imper.

Diweiß auch die Bildnuß Christi / seiner lieben Mutter Mariæ vnd der lieben Heiligen / das Gemüth in den vergeßlichen erinnern / männiglich zu Andacht bewegen / darzu in der gemeinen Christlichen Kirchen geduldet / vnd die Bildstürmer von gemeiner Christlichen Kirchen / hievor in etlichen Concilien / vnd sonderlich durch vnsern Vorfahrn am Reich / Keyser Caroln den Ersten vnd Grossen / verdambt worden. Demnach gebieten Wir / daß die gedachten Bildnuß auch nicht abgethan / sondern andächtiglich von allen Christen Menschen auffgericht vnd erhalten werden sollen. Desgleichen daß die Altar / Sacramenthäuser / wo sie abgethan / widerumb auffgericht / zu der Ehr Gottes erhalten werden. Reichs Abschied zu Augspurg 1530. §. Diweiß auch die 12. Vid. dict.

Cap. Carol. Magn. de imag. Gold. Tom. 1.
Const. Imper.